



Эхэ найхан нютагаа эб хамта мандуулая!

БУРЯАД ҮНЭН

1921 оной
декабриин 21-нээ
гарана

Бүгэдэ
арадай
газетэ

1996
МАРТЫН
30
Хабарай дунда сагаатшан
туулай
нарын 11
СУББОТО
гарагай 7
№61 (19401)
Газетын сэн
Хэлсээтэ.

Мүнөөдэрэй шухала асуудал

"БИДЭШЬЕ ХУБИТАЯА ОРУУЛНАБДИ"

Сагай ябасые, үдэр бүрийн ажабайдалые гэршэлэн харуулан шэнэ газетэ, радио, телевидени хаа хаагуур бии болоно гээшэ. "Дүрбэдэхи засаг" гэжэ нэрлэгдэһэн олонийтэдэ мэдээсэл тараадаг хэрэгсэлнүүдэй журналистнууд мүнөө үедэ ехэ үүргэ дүүргэнэ. Үйлэ хэрэгүүдые саг соонь, үнэн зүбөөр харуулаха, хөөрэхэ харюусалгатай уялга даажа абанхай.

Манай Шэтын телевидениин "Сагай амисхал" гэнэн дамжуулга 1989 ондо бии болоһон юм. Түрүүшээр Агада бэлдэжэ, Шэтын телевиденээр харуулагна хэмди. 5 жэлэй саада тээ "Сагай амисхал" Агын телевиденинээ амяараа гарадаг болоо.

Долоон хоног соо нэгэ удаа гарагай хоёрто 25 минутын туршада гарадаг дамжуулга юм.

Москвагай театральна институт дүүргээд, Шэтын соёлой училищида хүдэлхэ зуураа, тус дамжуулгын редактораар, хүтэлбэрлэгшөөр хүдэлнэб. Режиссёрой мэргэжэлдэ нураһан ушарни теле-дамжуулгануудаа бэлдэхэдэмни, ехэ туһатай, ажалыемни бага зэргэ хүнгэн болгоно.

Түрүүшээр "Сагай амисхал" Агын автономито округто ородоггүй Шэтэ можын буряад угсаатанай нуудал байдал, түүхэ, ёһо заншал харуулдаг хэн. Зүгөөр нүүлэй үедэ мүн лэ округтой һонинуудые дамжуулдаг болонхой. Округтоо гадуур ажаһуудаг буряадууд ехэ һонин, орёошые ажабайдалтай, түүхэтэй юм. Үни урда сагта нэгэл газар дайдаа ажаһуудаг аад, зарим тэды шалтагаанаар нүүжэ ябаһан үлдэ зон Шэтэ могоор олон даа. Приаргунска, Нэршүүгэй, Чернышевскэ районуудаар ажалша бэрхэ, нэрэ солотой, Социалис Ажалай Геройн үндэр нэрэ зэргэдэ хүртэһэн буряадууд бии. Эдэ бүгэдэн тухай хэһэн дамжуулгамнай ходоодоо олоной анхарал татадаг, нүүлээрнь харагшад баяраа мэдүүлдэг юм.

"Мой друг—тала нүхэр" гэнэн һара бүрийн дамжуулгада Забайкали шадарай эрхим хүнүүд тухай хөөрэдэгбди. Эсэгэ ороноо хамгаалгын Агуухэ дайнда туйлагдаһан Илалтын 50 жэлэй ойн баярта зорюулагдаһан "Илалтын хабар" гэнэн дамжуулга олоной анхарал татаһан байха. Саашадаашье дайнай ба ажалай хүндэтэ ветеранууд тухай дамжуулгануудые бэлдэжэ байхаар түсэблэнэбди.

"Эрхүүдэй, бэрхүүдэй" гэнэн хүүгэдэй дамжуулгые Шэтэ хотын уран найханай байшанай буряад ёһо заншалай таһагай үхибүүдтэй хамта ябуулдагбди. Түрэл хэлээ оройдоо үзөөгүй басагад, хүбүүдтэй дамжуулга бэлдэхэ гээшэ орёошог юм. Тиймэнээ буряад хэлэн дээрэ үхибүүдэй анхарал тагама дамжуулгануудые бэлдэхэ гэжэ оролдонобди.



Шэтэ хотодо үнгэргэгдэдэг Сагаалганай найр нааданай заншалта болоһон ушар бусад угсаатанай һонирхол мүн лэ татадаг. Шэтэдэ байгуулагдаһан эдэб яһатанай соёлой түбүүд, тэдэнэй эмхидхэдэг арадай һайндэрнүүд ондо ондоо яһатанай дунда эб найрамдал бэхижүүлхэ үүргэтэй гээшэ. Энэ хэрэгтэ дамжуулганууднай хубитаяа оруулна.

Нүүлэй үедэ Шэтын, Хёлгын районуудай зарим нютагуудта буряад хэлэнэй хэшээнүүд ябуулагдажа эхилбэ. Энэнь ехэ һайшаалтай.

Бүгэдэ буряадуудай үндэһэн соёлой эблэлэй хоёрдохи съездэ түрэл арадайнгаа хэлэ, түүхэ, урданай заншалта урлал, соёлой бусадшые һалбаринуудые хүгжөөхэ гэнэн асуудалнууд гол шухала асуудалнууд байгаа. Энэ талаар Агын автономито округто ородоггүй буряадуудай хүсэл, эрмэлзэл ехэ юм. Тиймэнээ "Сагай амисхалда" эдэ бүгэдые харуулаха, үндэһэн соёлоо, түрэл хэлээ нэргээн хүгжөөхэ үүсхэлнүүдые дэмжэхэ хэрэг манай шухала зорилго, гол ажал хэрэгнай болоно.

Буряад угсаатан ходоодоо бэе бээдэ туһалалсажа, Байгал далайн зүүн, баруун тээшые байбал, эбнэгэн арад түмэн байха гэжэ найданаб.

Дулмажаб ЖАМСОЕВА.

Шэтын телевидениин "Сагай амисхал" гэнэн дамжуулгын редактор,
Россин соёлой габьяата хүдэлмэрилэгшэ.

СЕМИНАР-ЗУБЛӨӨН БОЛОБО

"Республикын социально-экономическа байдалые тогтонихоруулха хэрэгтэ гүрэнэй засагай гүйсэдхэлгын зургаануудай, нютагай өөһэдэгөө хүтэлбэрлгын зургаануудай үүргэ" гэнэн темээр хотонуудай, аймагуудай, нууринууд болон тосхонуудай нютагай өөһэдэгөө хүтэлбэрлгын гулваанар болон зайһануудай хоёр үдэрэй семинар үнгэргэгдэбэ.

Тус семинарые Буряад Республикын Президент-Правительствын Түрүүлэгшэ В. Потапов нээгээд, "Президентын хүтэлбэрлгэтэй республикые тогтоон байгуулга, демократи хүгжөөхэ, гүйсэдхэлгын журам бэхижүүлхэ талаар зорилгонууд тухай" гэнэн элидхэл хэбэ.

Түрүүшын үдэр Буряад Республикын хүдөө ажахын, эдэе хоолой министр А. М. Шевченко "Республикын агропромышленна комплексын байдал ба тэрэниие тогтонихоруулха талаар абтадаг хэмжээнүүд тухай", республикын экономикын министрэй уялгануудые дүүргэгшэ А. И. Мельник "Республикын социально-экономическа байдалые һайжаруулха талаар зорилгонууд тухай", республикын Правительствын Түрүүлэгшын орлогшо, зөөри эрхилхэ талаар гүрэнэй комитедэй түрүүлэгшэ Н. А. Астапенко "Гүрэнэй зөөри үмсэлхэ тухай", республикын Гэр байрын-коммунальна ажахын комитедэй түрүүлэгшэ В. Л. Думнов "Мүнөөнэй эрхэ байдалда гэр байрын-коммунальна ажахые хүтэлбэрлгэ тухай", республикын финансын министр Г. В. Шлыкова "Нютагай бюджет байгуулха талаар шийдхэгдээгүй асуудалнууд тухай", Буряад Республикын һунгуулин комиссиин түрүүлэгшэ Н. М. Цыганкова "Үнгэрэгшэ жэлэй декабрьда болоһон һунгалтануудай дүнгүүд ба 1996 оной июнь һарада болохо һунгалтада бэлдэлгын зорилгонууд тухай", республикын экономикын министрэй орлогшо Н. В. Рогова "Хүтэлбэрлгын ажал ябуулгада компьютер нэбтэрүүлхэ тухай", республикын гүрэнэй налогой инспекциин даргын орлогшо А. Ю. Налетов "Нютагай налогууд тухай" элидхэлнүүдые хэбэ.

Семинарта хабаадагшад удаань Буряад Республикын министрнүүдэй элидхэлнүүдые шагнажа, бүхы һонирхоһон асуудалнуудаар харюунуудые абанан байна. Буряад Республикын Правительствын Түрүүлэгшын орлогшо Л. Ч. Нимаева семинарые хүтэлбэрилөө.

Семинарай хоёрдохи үдэр Буряад Республикын Арадай Хуралай Түрүүлэгшэ М. И. Семёнов "Нютагай өөһэдэгөө хүтэлбэрлгын районно болон городской Соведадэй түрүүшын сессиин дүнгүүд тухай" элидхэл хэбэ. Удаань Арадай Хуралай комитедүүдэй бүхы түрүүлэгшэнэр элидхэл хэһэн, тэрэнэйудаа семинарта хабаадагшад республикын министрствэнүүд, комитедүүдэй болон албан зургаануудай хүтэлбэрлэгшэдтэй уулзажа хөөрэлдэһэн байна.

С. ОЧИРОВ.

ЖУРНАЛИСТНУУДТАЙ УУЛЗАЛГА

Буряад Республикын Арадай Хуралай Түрүүлэгшэ М. И. Семёнов Арадай Хуралай бага танхим соо олондо мэдээсэл тараадаг хэрэгсэлнүүдэй хүдэлмэрилэгшэдтэй пресс-конференци үнгэргэхэдөө, Буряад Республикын Арадай Хуралай 9-дэхи сесси дээрэ харагдаха 15 асуудал дээрэ тогтоо.

Эдэ асуудалнуудыень гурбан бүлэгтэ хубаажа боломоор. Нэгэдэхи бүлэгтэ нютагуудай өөһэдэгөө хүтэлбэрлгын захиргаануудые байгуулха, бэхижүүлхэ тухай асуудалнууд байха.

Хоёрдохи бүлэгтэ үмсэлэлгэ тухай асуудалнууд харагдаха Гурбадахи хубидань эмхидхэлэй асуудалнууд шийдхэгдэхэ болоно.

Тэрэнһээ гадна Москвада Буряад Республикын үдэрнүүдэй ямараар үнгэргэгдэһэн тухай Арадай Хуралай Түрүүлэгшэ М. И. Семёнов хөөрөжэ үгөө.

—Тоололгын палата ямар

бүридэлтэй, ямар ажал бүтээхэ юм?—гэжэ корреспондентнүүд һонирхоо.

Хуулин ёһоор түрүүлэгшэнь, тэрэнэй орлогшонь нюусаар дуугаа үгэлгын дүнгөөр һунгагдаха. Үсөөн тоотой аудиторнууд, инспекторнууд хүдэлхэ. Бюджетэй мүнгэзүбөөр гаргашалгые хинан шалгаха юм гэнэн тайлбари үгтөө.

—Хүдэлмэришэдэй салин хэр түлэгдэжэ байна гээшэб?

—250 миллиард түхэриг Москваһаа үгтэхэ ёһотой хэн. 200 миллиарднь хубаагданхай. 50 миллиарднь мартын дүүрэтэр абтажа, хубаагдаха ёһотой. Районуудта ямараар хубаагдажа байһаниень даб дээрэ хэлэхэ аргагүйб.

Эгөөр энэ үгтэһэн мүнгэн урьһаламжа гэжэ һануулха ёһотойб. Манай республика энэ жэлэй дүүрэтэр тэрэниие бусааха ёһотой юм,—гээд Арадай Хуралай Түрүүлэгшэ М. И. Семёнов пресс-конференциеэ түгэсхэбэ.

Т. НИМБУЕВ.

ҮНДЭР НЭРЭ ЗЭРГЭДЭ ХҮРТӨӨ

Зүүн Сибириин гүрэнэй технологическа университетэй түүхын кафедрые даагша, түүхын эрдэмэй доктор, профессор, Буряад Республикын эрдэмэй габьяата ажал ябуулагша

Владимир Батомункуевич Базаржаповта Информатикын уласхоорондын академиин (МАИ) бодото гэнүүнэй үндэр нэрэ зэргэ олгогдобо гэнэн мэдээсэл хаяхан абтаба. Академик

болоһоорнь "Буряад үнэн" газетын редакциин хүдэлмэрилэгшэд, үргэн ниитэ уншагшад манай һониной эдэбхитэй бэишэгшые халуунаар амаршалаад, эрдэмэй ажал ябуулганды бүри ехэ амжсалта хүсэб.

Бүгэдэ буряадуудай хоёрдохи съезд

УГАЙНГАА ӨНӨ ЗАНШАЛЫЕ АРЬБАДХАН САХИЯ!

ВАРК-ын вице-президент Э. Ч. ЧИМИТДОРЖИЕВАЙ нэмэлтэ элидхэлхээ

ХҮНДЭТЭ ДЕЛЕГАДУУД!
 Бүгэдэ буряадуудай хоёрдохи съезддэ хабаадахаа холо ойроһоо ерэнэн бүхы делегадуудые, федеральна зургаануудай түлөөлэгшэдые Шэтын областин болон Агын Бурядай автономито округой делегациин үмэнэһөө халуунаар амаршалаа, хураалдаанай үедэ үрэгсөөр ажалахыетнай хүснэб.
 Манай Шэтэ можогоо бүхы халбаринуудай — аграрна секторэй, промышленностин, интеллигенциин, ветерануудай, залуушуулай, санаартанай, олондо мэдээсэл тараадаг хэргэсэлнүүдэй, мүн хуули ёһоной зургаануудай түлөөлэгшэд энэ хураалдаанай хүдэлмэридэ хабаадажа байна.
 Бүгэдэ буряадуудай нэгэдэхи съезддээ хойшо үнгэрһэн сар соо орон доторнай социально-экономическа хүгжэлтын ехэ хубилтанууд болоо. Энэ үедэ манай нютагай хүн зон бэрхшээл түбэгүүдтэ ороһон байна. Ушарын гэхэдэ, манай нютагай буряад зон гол түлэб мал ажал эрхилдэг гэшэ. Тийн мүнөө адууна малаймнай тоо толгой эрид доошолжо байна. Гэбшье Шэтын областин Агын Бурядай автономито округой олохон ажахынууд, тусхайлбал, "Сагаан уула" гэжэ акционернэ бүлгэм (директорынь - съездын делегат Багдаев), "Улаан-Одон" (директорэй орлогшо, съездын делегат Линхобоев), Гүнэйн совхоз, малай үүлгэр хайжаруулгын "Комсомолец" завод (директорынь съездын делегат Дугаров) болон бусад ажахынууд орооно таряа, мяха, гоһоо ехээр үйлэдбэрилнэ, гоһоной заводуудые, колбасагай цехүүдые нээнхэй.

Тоосоото үе соо буряад арадай үндэһэн соёлые хэргээхэ, саашадань хүгжөөхэ талаар үргэн ехэхэмжээ ябуулгануудые бэелүүлэ хэн. Тийхэдэ түрэлхи хэлээ шуудалгада, үзэлгэдэ ехэ анхарал хандуулагдаһан байгаа. Энэньшье ойлгосотой. Хэлэн хадаа үндэһе яһатанай эгээл ехэ баялиг ха юм даа. Өөһэдын хэлэгүй үндэһе яһатан байдаггүй гэжэ ойлгонобди. Манай нютагта эрдэм хуралсалай зургаанууд, буряад үндэһе яһатанай эблэл, олондо мэдээсэл тараадаг хэрэгсэлнүүд, эдэбхитэд хэлэ бэшэгэй асуудалые зүб мүрөөр шийдхэлгэдэ гол анхаралаа хандуулна. Буряад зоной ажаһуудаг областин 12 районой юрэнхы эрдэмэй хургуулинуудта 2167 үхибүүд буряад хэлэ предмет болгон үзэнэ. Шэтэ хотодо хүүгэдэй зохёохы уран бэлигэй түбтэ "Алтан булаг" гэжэ нэгэдэл хүдэлдэг юм. Эндэ олон арбаад элдэб наһанай хүбүүд, басагад уран зохёолой гоё хайхание хүмүүжүүлгын арга хэрэгсэлнүүдые хэрэглэн хэлээ үзэдэг байна. Шэтэ хотодо ажаһуудаг хургуулиин наһанай 5 мянга шахуу буряад үхибүүдэй 520-ниинь түрэлхи хэлээ шуудалдаг, үзэдэг юм. Район бүхэндэ хуралсал эхилхээр хараалагдаһан хургуулинууд тодорхойлогдоо. Сэхыень хэлэхэдэ, хургуулинуудай хуралсалай түсэбүүд соо буряад хэлэ үзэхөөр хараалагдабашье, мүнгэ тангын хомор дээрэһээ биража ядалдана.
 1994 оной апрель нарада Шэтэ хотодохи үхибүүдэй түбтэ "Шэдитэ булаг" гэжэ нэгэдэл эмхидхэгдэн байгуулагдаа хэн.

Эндэ ябадаг үхибүүд арад зонойнгоо оюун ухаан бодолые, ёһо заншалые, арадай аман зохёол шуудалхые оролдодог байна. Эндэхи хүдэлмэри гурбан шэглэлээр ябуулагдаһа: хэлэн, ёһо заншал, хатар-аман зохёол.
 Округтой хургуулинуудта 8-9-дэхи, 9-10-дахи классуудта "Буряад литература болон искусство" гэнэн факультативна курса эмхидхэгдэнхэй. 38 хургуулида буряад хэлэнэй кружогууд хэдэн шэглэлээр хүдэлнэ. Эдэбхитэд, багшанар, соёлшод эдэ кружогуудые хүтэлбэрилдэг юм. Тэдэнэй хүдэлмэри "Толон" болон "Агинская правда" газетэнүүдтэ толилогдодог, телевиденээр дамжуулагдадаг, харуулагдадаг. Зүдхэлдэ "Арадай баатар—Абай Гэсэр", Урда - Агада - "Гэсэрэй нэлмэ", Ушарбайда "Этигэл" гэжэ аман зохёолой кружогууд амжалтатайгаар хүдэлнэ.
 Дуу, хатарай "Залуу наһан", "Баяр", "Амар сайн" гэжэ ансамблнуудай артистнууд бэлиг шадабаряа гансал округойнгоо ажалшадта бэшэ, харин Монгодо, Хитадта, Хальмагта, Улаан-Үдэдэ, Хабаровскда амжалтатайгаар харуулан байгаа. Гэсэрэй наадануудай үнгэргэгдэхэ үедэ соёлой хүдэлмэрилэгшэд, эдэбхитэд үргэнөөр хабаадажа, тэрэниие бүгэдэ арадай хэмжээ ябуула болгоһон байна. Гэсэрэй наадануудай Улаан-Үдэ хотодо үнгэргэгдэнэн түгэсхэлэй хэмжээ ябуулгануудта агынхид олохон зүйлнүүдээр түрүү хуруинуудые эзэлэ хэн.
 Хүүлэй жэлнүүдтэ буряад хэлэнэй багшанарай 8, монгол хэлэ бэшэг заадаг багшанарай 2 семинар үнгэргэгдөө. Шандали болон Алхана нютагуудай

хургуулинуудта багшанар Тобо-Доржо Дашицыренов, Ешин-Хорло Тумурова гэгшэд үхибүүдтэ хуушан монгол хэлэ заадаг байна. Монголой Эрдэм хуралсалай министертвэтэй, Улаан-Үдын дээдэ хургуулинуудтай, Бурядай Эрдэм хуралсалай министертвэтэй, номой наймаанай эмхитэй хэлсээ баталаабди.
 Нарын литээр Шэнэ жэл—Сагаалганай пайндэр үнгэргэлгэ заншалта болонхой. Тэрэнэй үедэ хаа хаанагүй ажаһуужа байһан буряад зоннай өөһэдынгөө хэлэ бэшэг, ёһо заншал, соёл, түүхэ хэргээхэ, хүгжөөхөө гадна, айнабтар ехэ юумэ мэдэдэг болон. Энэ хайндэртэмнай хото хүдөөгэй өлбөнитэ, эдэб үндэһе яһатан, Улаан-Үдэ хотогоо соёлой хүдэлмэрилэгшэд, артистнууд эдэбхитэйгээр хабаададаг байха юм. Тийгэжэ энэ хайндэрнай интернациональна шэнжэтэй болон, арадуудай харилсаа холбооо улам бэхижүүлнэ бшуу.
 Нютагаймнай мэдээжэ уран зохёолшод, композиторнууд Арсалан Жамбалон, Дагба Ринчинов, мүн Шэтэ хотын түлөөлэгшэд Вишняков, Волков, Маковский, мүн Улаан-Үдэдэ ажаһуудаг нютагаймнай мэдээжэ эрдэмтэд, уран зохёолшод, артистнууд, уран зураашад болон журналистнууд манай ажал



ябуулагда ехэ туһа хүргэдэг, дэмжэлгэ үзүүлдэг байна. Тийн Агын гүрэнэй телерадиокомпанитай хэлсээ баталжа, һонин дамжуулануудые хэнэбди, жэшэнь, Шэтын телевиденээр харуулагдадаг "Сагай амисхал" гэжэ дамжуулга хүн бүхэнэй ажабайдалда батаар нэбтэрээ (редакторын Дулмажаб Жамсоева, режиссерын Александр Куликов). Энэ дамжуулга областин олон районуудта ажаһуудаг буряад зоной ажабайдалай социально-экономическа халбариие нягтаар холбоно гэжэ тэмдэглэлтэй. Эгээл тиймэһээ дамжуулга бүхэн харагшадта һонирхол үүсхэнэ.
 Юрэдөөл, иигэжэ нютагаймнай буряад үндэһе яһатан түрэл хэлээ, соёлоо хэргээхэ, Бүгэдэ буряадуудай хоёрдохи съездые угтаба гэшэ.

ӨӨНЭДӨӨ ӨӨНЭДЫГӨӨ ХҮНДЭЛЭЭ!

ВАРК-ын вице-президент Г. Н. Богдановай нэмэлтэ элидхэлхээ



Баяндайда - 8449 буряад угсаатанай 90,2 процентнь, Боохондо - 5257 буряадуудай 87,2 процентнь, Нүхэдтэ - 7113 буряадуудай 87,9 процентнь, Оһын 8637 буряад угсаатан сооһоо 94,7 процентнь, Эхирэд-Булгадай 13620 буряадуудай 91,8 процентнь лэ буряад хэлэтэй байба.
 Бүгэдэ буряадуудай 1 с ь е з д ы н ш и и д х э б э р и н ү ү д ы е б э е л ү ү л х ы н т у л а х а а хаанагүй эдэбхитэй ажал ябуулагдаа. хургуулинуудта фольклорно бүлгэмүүд байгуулагдаа. Аймаг бүхэндэ Сагаалган, Сурхарбаан заншалта болоо. Жэл бүри арадай аман зохёол суглуулдаг коллективүүдэй харалга-конкурснууд эмхидхэгдээ. Бэлшэрэй (хүтэлбэрилэгшэнь А. А. Ардаев), Үбэсын, Хаһаагай (Оһын аймаг), Новониколаевскийн, Усть-Ордын (Эхирэд-Булгадай аймаг), Хадааханай, Зүхэлиин (Нүхэдэй), Абгайтанай (Боохон), Хүтэлгэй (Алайр) фольклорно

коллективүүд холо ойгуур суурхаа. Эдир үльгэршэд, гэсэршэд, онтохошод хурган хүмүүжүүлэгдээ - П. Барлуков, Э. Задоров, В. Манданов, С. Ербаткин болон бусад.
 "Эрын гурбан наадан" үргэнөөр дэлгэрээ. Оһын аймагта - хур харбалга, Баяндайда - мори урилдаан, мүн Нүхэдтэ болон Алайртагыше эдэ мурьсөөнүүд дэлгэрэн хүгжөө.
 Үндэһэн гар урлал, уран дарха мүн хүгжөөгдэбэ. К. Халмагов, А. Хамаганов, А. Гоголов, В. Бутуханов болон бусад уран бүтээлнүүд Ц. Сампиловай нэрэмжэтэ музейдэ табигданхай.
 Энэ ехэ хэрэгтэмнай округой захиргаан (А. Н. Батагаев), аймагуудай захиргаан (Ю. А. Борхоев, К. П. Борисов, Г. З. Осипова, Я. А. Семёнов, Ю. Г. Осипков, В. В. Радов) горитой туһа хүргөө.
 Округһоо гадуур ажаһуудаг буряад угсаатан гэгбэл, Эрхүү хотодо - 9000, Ангарскда - 4000 үлүүтэй, Ойхондо 4000 үлүүтэй, Качугта 1500 үлүүтэй зон байдаг. Үндэһэн соёлоо, хэлээ хэргээн хүгжөөхэ хэрэгтэмнай хашалта харшалаалта хэхэ ушар үзэгдөөгүй гэхэ байнаб. Жэшэнь, Ойхондо

айхабтар ехэ ажал хэгдээ. Захиргаанай гулваа Н. М. Мотошкиной оролдолгоор аймагай бүхы хургуулинуудта буряад хэлэн заагдана. Ород яһанай түрэлхидшые хүүгэдээ буряад хэлэнэй хэшээлнүүдтэ ябуулдаг юм.
 Эрхүүгэй областин губернатор Ю. А. Ножиковой дэмжэлгээр буряад үндэһэн соёл хүгжөөлгэдэ зорюулагдаһан хэмжээ ябуулгануудта мүнгэн һомологдоно. 1992 ондо Эрхүүгэй соёлой училищиде буряад таһаг нээгдээ. Нёдондо түрүүшын мэргэжэлтэд дүүргэжэ гараад, мүнөө булдаа ажалтай, энэ жэлэй Сагаалганай найр наада шадмар бэрхээр эмхидхээ хэн.
 Алайрай Бахтай нютагта М. Н. Ербановай түрэнөөр 100 жэлэй ойдо зорюулан, шатарай ехэ мурьсөө эмхидхээбди. Энэ жэл дүрбэдэхэе болоһон мурьсөөндэ олон аймагуудай, Буряад ороной 56 шатаршан хабаадаа.
 Гэсэршэн Пёохон Петровой 125 жэлэй ой, С. П. Балдаевай 100 жэлэй, Солбонэ Туягай 100 жэлэй, В. Инкижиновэй 100

жэлэй ой округто үргэнөөр тэмдэглэгдэн байна.
 "Абай Гэсэрэй" 1000 жэлэй ойдо зорюулагдаһан найр наадан Нүхэдэй аймагай Хадаахан нютагта 1991 ондо эхиеэ абанан түүхэтэй. Съездын делегат, "Приморский" АО-гой директор А. Н. Ивановой эдэбхи үүсхэлые тэмдэглэхэ хэрэгтэй. Округтой эдир үльгэршэдэй конкурсые жэл бүри Хадааханда үнгэргэхэ талаар тэрэ ехэ ажал ябуулаа.
 Буряад хэлэ шуудалха хэрэг ехэ олон дутуу лундануудтай гэхэ байнаб. Буряад хэлэндэ хандаса ханаанда хүрэнгүй. Бүхы шахуу хүтэлбэрилэгшэд нэгэшые мэдүүлэл буряадаар хэлэдэггүй. Түрэл хэлээ аршалан хамгаалха гэжэ хэлсэдэг аад лэ, өөһэдөө буряадаар хэлэдэггүй байхадамнай, хэн манай үри хүүгэдые үндэһэн хэлэндэмнай хургаха болоноб? Маанадай оролдоогүй хаа, энэ ажал хэрэгые хэншые бэелүүлхэгүй.
 Өөрынгөө арад түмэниие хүндэлхэ, түүхэдээ, соёл болон хэлэндээ гамтайгаар хандаха, сэгнэхэ ёһотойбди. Өөһэдөө өөһэдыгөө хүндэлбэл, бусадшые үндэһе яһатаниие хүндэлхэ бшуубди. Арадайнгаа талые хараада абаагүй хаа, түүхэдэ ёһотой мур сараа үлөөнгүй, хосорон халахадаа магадгүйбди.

Хүндэтэ делегадууд, айлашад!
 Манай Эрхүүгэй региондо ВАРК-ын бэелүүлэн ажал тухай тогтожо хөөрэхэмни. Эрхүүгэй областдо 77733 буряад угсаатан ажаһуудаг. Область дотор ажаһуудаг буряад зоной - 81 процентнь буряад хэлээ түрэл гэжэ заагаа. Усть-Ордын округто ажаһуудаг 49298 буряадуудай 89,9 процентнь буряад хэлые түрэл гэжэ нэрлэһэн байха юм. Алайрта ажаһуудаг 6222 буряадуудай 83,7 процентнь буряад хэлэтэй байна.

Уншагшад аймнай туршалганууднаа

"НУРГАДАГ БЭЛЭЙ ХҮТШЭН ЭЖЫМНИ..."



Сэлэнгын аймагай Жаргаланта нютагта 1958 ондо үрлэн Бата Аюшеев шүлэгүүдэйнгээ дэбтэр

эльгээхэдээ, ходо захижа уншадаг газетынгээ нюурга толилууха дуратай байханаа мэдүүлэн байна. Тийхэдээ Жаргалантын дунда нургуулида буряад хэл, литература заахан багшяа - Эрдынеева Мария Гунгаевнае дулааханаар дурдан бэшээ. Энэ багша түрэл хэлэндээ, уран үгэдэ авторые дуратай болгоо гэжэ ойгохоор. нургуулида нуража ябахад, түрүүшынгээ мүрнүүдые бэшээн Бата Аюшеев отол гуурнаяа туршажа, уран үгэ олзолжо, шүдэгүүдые зохёожол ябаа юм байна. Залуу авторай шүлэгүүдые газетэдээ толилхо зуураа, уран үгын далай соогуур тамаран, саашадаа амжалта туйлахыень хүсэнэб.

Ц. ДОНДОГОЙ.

БАТА АЮШЕЕВ.

ХҮНЭЙ НАНАН

Хүнэй наһан... Хүнэй наһан жэгтэйл гээшэ даа! Хүү баранине хүсэжэ бэшээн, Хамаг юумые хадуужа абанан Хурдан номой хуудаһан бэшэ. Хэтын заяанда хүүежэл байһан, Хадын хаяада харьялжал байһан Хара далайн долгин бэшэ. Хүнэй наһан... Хүнэй наһан... Хүнэй наһан жэгтэйл гээшэ даа! Хүхын солгон дуун мэтэ, Хүбшэ тайгын сууриан мэтэ, Хатуу шулуун орёл дээгүүр Халуун зүрхөөр дабшажа ябаһан хуби заяан! Хүрһэтэ дэлхэйн инорган дээрэ, Хүхэрэниэ тэнгэрини хүнжэл дор Хэдэн сагай урасхал соогуур Хүсэ шадалараа хүльбэлжэ ябаһан хуби заяан! Хүнэй наһан... Хүнэй наһан баяртайл гээшэ даа! Хүл дээрээ хүрдыхэ зуураа Хөөрэн баясан ургаха тумаа Хамар амала шаггаар сохижо, Хэды унажа бодожо ябаһан Хөөрхы жаахан Гүлмэр наһан! Хүүгэд хүбүүд - нүхэд дундаа, Хүйтэн үбэл, халуун зуидаа, Хүхюу зугаа наада табижа, Халта сугтаа гүйлдэжэ ябаһан Хүйхэр жаахан Гүлмэр наһан! Хүнэй наһан... Хүнэй наһан... Хүнэй наһан баяртайл гээшэ даа! Хүн болохо - баһаһа гэдэгтэл, Бүлэг болохо - унаганһаа гэдэгтэл, Хүсэ шадалаа хүмин гаталжа, Холшор зангаа хубилгажа ябаһан Хонгор хайхан Халуун хаһа! Хамаг юумэндэ харюу бэдэржэ, Хараһан бариһанаа хадуун абажа, Хабарай сагай сөсөгтэл халбаржа, Хашинуур хүтжэм дор хатаржа ябаһан Хангайдал баян Халуун хаһа! Хүнэй наһан... Хүнэй наһан хайратайл гээшэ даа! Хүн болохо ябаха үедөө, Хуулин наһаа хүсэхэ хирэдээ, Хуурмаг аашын хүндые мэдэнгүй, Харанхы манан соо төөрижэ ябаһан Халагай ехэ хайран наһан! Худал үнэн хоёрые илгангүй, Хүсэд юумэ үзэжэ үрдингүй Хэшг гэшыне хэлсэжэ ойлогонгүй, Хэлтэги харгыда халтиржа ябаһан Хажараар ехэ Хайран наһан! Хүнэй наһан... Хүнэй наһан хайратайл гээшэ даа! Хөмхөй холбогой хорондош абтажа, Хобой шэрүүн хойшологыне алхажа, Хараал шэрээлэй хашаланнине дабажа, Халагай харгыда хадууржа ябаһан Хэбэдэн сэнгэй

Халаг наһан! Хабсагай хадын хаяагаар ябаһандал, Хурса хутагын үзүүртэ байһандал, Худхажа сэдхэлээ, зүрхээс доһолжо, Халуун хүйтэнише үзэжэл ябаһан Хододоол үнэтэй Залуу наһан! Хүнэй наһан... Хүнэй наһан жаргалтайл гээшэ даа! Хаагуур яагуур айлыһан ябажа, Ханн халуун нүхэрөө бэдэржэ, Халлоун шаргал параяа утгажа, Хаһа соогоо хүлгэжэ ябаһан Хангал хайхан Залуу наһан! Хонгёо дуугаа аялгатуулан татажа, Хошон зугаа үгэнүүдээ гаргажа, Хоёр халуун зүрхээс нилүүлжэ, Холо ойрын нютагуудаар ябаһан Залуу наһан! Хүнэй наһан... Хүнэй наһан... Хүнэй наһан жаргалтайл гээшэ даа! Хөөрхэн жаахан хүбүүдые түрэжэ, Хүүгэд, басагад үрнеэ үргэжэ, Хүльмөн дүрөөдэ дүмүүхэн хүргэжэ, Хүн зоноо үргэлжэлүүлжэ ябаһан Сарюун хүсэ талаан! Хүлһөө адхан, хамсыгаа шуужа, Хүдэлмэри дээрээ хүдэржэжэ байһан Хүн зонойнгоо хэрэгыне бүтээжэ, Хатуу зорингоо баталжа ябаһан Хэсүү дорюун Хүсэ талаан! Хүнэй наһан... Хүнэй наһан буянтайл гээшэ даа! Хэһэн хэрэгээ хэтын заяанда Хэлсэжэ, хүртөөжэ, булганда дамжуулжа, Хэшээлжэ, зориулжа, угаа һангуулжа, Хүүгэд хүбүүдтээ хөөрөжэ ябаһан Хүндэ ехэтэ Наһанай буян! Хуушан юумээ шэнэдхэн заһажа, Хушуухан малаа арьбадхан үдхэжэ, Хамаг зонойнгоо хэрэгтэ тухатай Халуунхан мэндээ хүртэжэ ябаһан Хэшэг ехэтэ Наһанай буян! Хүнэй наһан... Хүнэй наһан буянтайл гээшэ даа! Хүтшэрэн, үндэр наһатай боложо, Хэбтэри, хоолой зөөлэнише золгожо, Хүүгэд хүбүүдээ, ашанараа хаража, Хүл гараа эльбэжэл ябаһан Хүсэхын ехэ үтэлхын дабаан! Халуунхан сайгаа амгалан уужа, Хамархан дороо дуугаа дуулажа, Хүтшэрэхдөө, хүүгэд шэнги боложо, Хоршогорхон бээш шэрэжэл ябаһан үтэлхын дабаан!



АРАДАЙ УРАН ЗУРААША АЛДАРТАЙ

Бүгэдэ буряадай үндэһэн соёлой урлал, ажаһуудал гэршэлһэн гоё хайхан бүтээлнүүд, зурагууд, зэр зэмсэгүүд "Буряад арадай ажаһуудал, ёһо заншалнууд" гэнэн выставкэ дээрэ харуулагдаа. Бүгэдэ буряадуудай съездын үедэ олоной үзэмжэдэ табигдаһан (Ц. Сампиловай нэрэмжэтэ Уран зурагай музей соо) энэ выставкын хэрэгсэлнүүд, бурхан шажанай бүтээлнүүд, гоё зурагууд арадаймнай баян сэдхэлые, бэлиг талаангые, уһаа үгтэһэн уран гарай шадабариие харуулаа бишуу. Эндэ харуулагдаһан гоё хайхан бүтээлнүүдэй дунда республикын арадай уран зурааша, республикын Гүрэнэй шангай лауреат Лубсан Доржиевай зурагууд, бүтээлнүүд олоор табигдаа. Энэ выставкэдэ хабаадаһан автор өөрынгоо хүдэлмэри тухай бага-сага хөөрөө. "Наран мандаба" гэнэн зурагта үглөөгүүр мандаһан наранһаа ялалзаһан үбэлэй саһатай үдэр гоёор харуулагданхай. "Би өөрөө нэгэ үглөөгүүр хараһанаа зурааб" - гэжэ автор хөөрөбэ.

"Хитадта Хинай провинцида олоһон хүрэгэй үндэһөөр энэ Чингис хаанай дүрэ зураг бүтээгээб, үнэн дээрээ иимшүүл хүн байгаа" гэжэ "Чингис хаан" гэнэн зурагаа тэрэ тайлбариллаа. Хоёр хубиһаа бүридэһэн, "Минии Буряад" гэнэн темэдэ зориулагдаһан хоёр ондоо зураг дээрэ мори унаһан хүбүүн басаган хоёрые харанабди. "Агван Нима хамба", бурхадые зураһан бүтээлнүүдынь Л. Доржиевай баян арга боломжонуудые гэршэлнэ. Зурагуудһаа гадна, гоё хайхан угалзануудые зурадаг, һиилэдэг, дархалдаг уран гартай арадай мастер Буряад орон соогоо мэдээжэ болонхой. Уран бэлигтэндэ зохёохы амжалта, һайн хайханыне, элүүр энхэ ябахыне хүсэнэбди. Б. ДОРЖИЕВА. ЗУРАГУУД ДЭЭРЭ: "Чингис хаан", "Минии Буряад" гэнэн зурагууд. Ц. ЦЫРЕНЖАПОВАЙ фото.

Амигад тухай онтохон

ШОНО, БАР, ХӨӨР ХҮЛТЭЙ ХҮЙМЭЛДӨӨН

Нэгэтэ шоно харанхы ехэ тайга соогуур нюдээ бэлтылгэжэрхөөд, ухаа мэдээ табин, гүйжэ ябаба ха. Гүйжэ ябахадань, урдаһаань бар дайрадаба. - Шоно ахай, иихэдээ юунһээ айбаш? - гэжэ бар нураба. Тийхэдэнь шононь хэлэбэ: - Би энэ дэлхэй дээрэ юунһээшье айдаггүйб. Айхадаал хоёр хүлтэй хүймэлдөөнһөө айнаб, - гэбэ ха. - Теэд хоёр хүлтэй хүймэлдөөншини ямар юм? - гэнэ бар. - Эхэл аймшагтай амитан даа, - гэнэ шононь. Бар хэлэбэ: - Хоёр хүлтэй хүймэлдөөнһөө юундэ айха юм. Намда харуулаа хадаш, тэрэниешни биса бажуухаб! - Биса бажуухал хадаш, харуулахда болохо, - гээд, шоно барые дахуулаад, харанхы ехэ тайга сооһоо үргэн талада гаража ерээбэ ха. Харан гэнэнь нэгэ дала хүрлэн үбгэн уһанай эрьсээр арбан табан үхэр адуулжа ябаба. Хун сагаан толгойтой, хуһан сагаан норьботой, тамхяа татан бааюулжа ябана. Тийхэдэнь бар нурана:

- Шонохай, энэш юун гээшэб? - Энэшни хоёр хүлтэй хүймэлдөөнһөө аад, хүймэлдөөн хэмһээ үбгэрлэн байна. Иимэ үбгэн хүймэлдөөн маанадта хэрэггүй, - гэжэ шононь хэлэбэ. Тэрэниһээ саашаа шононь бараа дахуулаад ябана. Ябажа ябатарнь, гурбан багахан үхибүүдарбан табан толгой хони адуулжа байба. - Энэшни баһа юун гээшэб? - гэжэ бар шоноһоо асууба. - Хоёр хүлтэй хүймэлдөөнһөө аад, хүймэлдөөн хэмдээ хүрөөгүй юм, - гэнэ. Тийгээд хоюулан үшөөл саашаа ябана. Саашаа ябажа байтарнь нэгэ шуһан зээрдэ моритой, сагаан мүнгэн эмээлтэй, шара улаан хүбүүн буугаа арадаа үргэлөөд, шурьяса хатаргажа ябана. Тийхэдэнь бар шоноһоо нураба: - Шонохай, энэш юун гээшэб? - Энэшни гээшэл даа, хоёр хүлтэй хүймэлдөөн гээшэмнай. Биса бажуухаяа ханаал хадаа туршыш, - гэнэ. Бар тэрэ хүбүүнэй хойноһоо гүйгөөд

ошобо. Шоно бургааһанай саанаһаа хараад хэбгэнэ. Барай гүйжэ ябахыень хараад, шэлбэ улаан хүбүүн шуһан зээрдэ мориёо эрьсэ татаад, арадаа үргэлжэ ябаһан буугаа абаад, хасартаа няагаад шагаһан бөөрээ, барайнгаа баруун нудынь буудажархиба. Бар шашхаад, тэһэрлэн нюдээ адхаад, шоно тээшэ гүйшэбэ. - Бар ахай, яагаабиши? - гэжэ шононь нурана. Тийхэдэнь бар хэлэбэ: - Энэ хоёр хүлтэй хүймэлдөөн гээшэшни ехэл аймшагтай амитан байна даа. Нэгэ ханяахадаа, үрөөһэн нудыем эдижэрхибэл. Хоёрдохёо ханяагаа һаа, хоёр нудыем эдихэ байбал. Би энээгүүр ябахаяа болихомни. Угы һаа, үлэгшэ ганса нудэһнөө халаха байнаб, - гэбэ. - Бишни хоёр хүлтэй хүймэлдөөнэй ябадаггүй газараар агнахамни. Шинни энэ газартаа гүрөөһэ, шандага агнажа, хони, буруунуудые барижа ябыш даа, - гэжэ хэлээд, һарьдаг үндэр уулын оройдо гараһан юм гэлсэдэг. Тийгэжэ бар баатар хүбүүнһээ тон ехээр айһан юм ха.



ТОБШОХОНООР

БОКС. Эрэшүүлэй дунда Алас-Дурна зүгэй зонын түрүү нуури эзэлхын түлөө мурьсөөн найхан Хабаровск хотододүүрбэ. Манай республикын суглуулагдамал командаһаа "Мотом" гэжэ акционернэ бүлгэмэй хүдэлмэрилэгшэ, спортын мастер Александр Путинский нэгэдэхи хүндэ шэгнүүртэн сооһоо шалгаржа, лалта туйлаа. Улаан-Үдын авиационно үйлэдбэрийн нэгэдэлэй "Забайкалец" гэжэ спортын клубай гэшүүд, спортын мастер Жаргал Бадмаев нэгэдэхи дунда шэгнүүртэ түрүү нуури эзэлбэ. Зүүн Сибирийн гүрэнэй технологическа университетэй оюутад, спортын мастернууд Эрдэни Султумов, Баяр Ринчинов гэгшэд мүнгэн медальнуудаар шагнагдаа. Андрей Абралов, Баяр Дымбрылов, Андрей Цыренов, Вадим Федяев гэгшэд оһөд өһөдөдөнгөө шэгнүүрнүүдтэ гурбадахи нууринуудые эзэлжэ.

хүрэл медальнуудта хүртэбэ. Мурьсөөнэй дүнгүүдээр Ж. Бадмаев, А. Путинский, Б. Ринчинов гэгшэд зунай эхээр Екатеринбург хотодо үнгэргэгдэхэ Россин чемпионатта хабаадаха эрхэ олоһон байха юм.



ТЕННИС. Столой теннисээр Улаан-Үдын түрүү нуури эзэлхын түлөө мурьсөөн болобо. Эндэ "бага ракеткын" 40 гаран эзэд хабаадаһан байгаа. Эхэнэрнүүдэй дундаһаа Зүүн Сибирийн гүрэнэй

соёлой болон искусствын академин оюутан Наталья Эрдынеева гоё найханаар наадажа, республикын нийслэл хотын чемпионка болоо. Спортын мастер Тигран Мкртчян эрэшүүл сооһоо илажа гараба.

МЭРГЭН БУУДАЛГА. Спортын энэ зүйлөөр республикын түрүү нуури эзэлхын түлөө мурьсөөн найхан дүүрбэ.

Арбаад командын зуу гаран мэргэшүүл хабаадаһан байгаа. Мурьсөөнэй дүнгүүдээр Зүүн Сибирийн гүрэнэй технологическа университетэй команда илаба. Хүүгэдэй спортын 2-дохи нургуулин мэргэшүүл - хоёрдохи, ВСГУ-гай хоёрдохи командын спортсменүүд гурбадахи нууринуудта гараа. Хубийн тоосоогоор Дмитрий Старицын, Татьяна Елисеева гэгшэд эрхимлэһэн байна.

Ж. БАТОМУНКОЕВ.



Фоторепортаж

ХАТАР НААДАНДА УРИНАБДИ

УЛААН-ҮДЫН хүүгэдэй болон эдиршүүлэй уран бэлигэй ордондо олон студинууд, кружогууд амжалтатайгаар хүдэлжэ байдаг юм гэжэ урда тээнэ. уншагшадтаа хөөрзэн байхабди. Республикын нийслэл хотын юрэнхы эрдэмэй бүхы нургуулинуудта хурадаг 3500 гаран хурагшад сүлөө сагтаа иишээржэ, өөһэдэньгөө һонирхолье, бэлиг шадабарие хүгжөөхэ зорилготойгоор элдэб студинуудта хурадаг, ансамбльнуудта хабаададаг юм.

Хатарай жэшээтэ "Веснушки" ансамбль амжалтатайгаар хүдэлнэ. Эндэ хүбүүд, басагад наһанай гурбан бүлэгөөр хубааржа, элдэб хатар нааданда хурадаг байна. Любовь Александровна Миронова арбан гаран жэлэй хугасаа соо бага наһанай бүлэгы хүтэлбэрилжэ, балшар заахан хүбүүд басагадта түрүүшын заабари зүбшэл үгэдэг, хургадаг байһаараа багашуулай дунда хүндэтэй болонхой. Любовь Александровнагай хургаһан хүбүүд, басагад саашадаа мэргэжэл шадабарья мүлжэ, зариманиинь хатарай ансамбльнуудта ябадаг, нүгөөдүүлнэ бальна хатар эрхилдэг юм. Иигэжэ Л. А. Миронова эдир

хүбүүд, басагадые гоё найхание ойлгодоогоор хүмүүжүүлнэ бшуу.

Дундуур наһанай бүлэгы Елена Григорьевна Соболева хүтэлбэрилнэ. Эндэ басагад хореографиин үндэһэ нууригай танилсажа, саашадаа училицида хураха яашье ородог байна.

Мүнөө хурагшад хатарай амаралтын үедэ үхибүүд илангаяа олоороо иишэ ябана. Тийхэдээ тэдэнэр өөһэдэньгөө дүүнэрые, бага классай хурагшадые дахуулжа ердэг.

Хүүгэдэй болон эдиршүүлэй уран бэлигэй ордондой хатарай "Веснушки" ансамбльда хабаадагшад сүлөө сагтаа, илангаяа амаралтынгаа үедэ хүүгэдэй саадуудта, амаралтын байшангуудта, хургуулинуудта, предприятинуудай, хүдэлмэрилэгшэдтэ ошохо, концерт-наада табидаг юм. Эдэнэй гоё найхан хатар наада харахадаа, ехэшүүл баяр хүргэдэг.

ЗУРАГУУД ДЭЭРЭ: бага наһанай бүлэгы хүтэлбэрилдэг Л. А. Миронова; Е. Г. Соболева дундуур наһанай бүлэгэй басагадта хатар заажэ байна; "Веснушки" ансамблин хүбүүд хатарна. Ц. ЦЫРЕНЖАГОВАЙ фото



ТҮРҮҮ ФИРМЭНҮҮДЭЙ ШЭНЭ
УХААЛАН ЗОХЁОЛГОНУУД
АЖАҮУДАЛАЙ ОРЁО ОНЬОН
ТҮХЕЭРЭЛГЭНҮҮДЫЕ БҮРИ
НАЙДАМТАЙ БОЛГОНО.
ШЭЛЭЖЭ АБЫТ!

ХОЛОДИЛЬНИГУУД

INDESIT GR 3300 W, 336 л.....2600 мян.түх.
INDESIT (комби) GC 2322 W, 318 л.....3500 мян.түх.
INDESIT GR 2600 W, 254 л.....2400 мян.түх.
ARISTON EDF 330 3T, 3-кам., 329 л.....3100 мян.түх.

ТЕЛЕВИЗОРНУУД

JVC 37154 см.....1305/2000-2100 мян.түх.
MITSUBISHI 54172 см.....2500/6700 мян.түх.

Зайн галаар хүдэлгэгдэдэг ажаһуудалай элдэб янзын орёо оньһон түхээрэлгэнүүд
TEFAL, ROWENTA, MOULINEX.

Обой-саархан (Англи, Германи, Франци, Венгри, Турци).
Линолеум (Бельги, Франци).

Субботодо фирмын магазин 14 саг болотор хүдэлнэ.



ШЭНЭ ЭД БАРААН

Октябрийн 50 жэлэй ойн проспект, 13, тел.: 6-16-66, 4-11-05

Эмхидхэн байгуулагшад - Буряад Республикын Президент, Арадай Хурал болон Правительство

Редакторай уялганууды дүүргэгшэ С.ДРИНЧИНОВ.

РЕДАКЦИОННО КОЛЛЕГИ: ДАШЕЕВА Г. Х., ДОНДОГОЙ Ц. Ц., ЖПЖНГОВ Б.М.Ж. (харюусалгата секретарь), ОЧПРОВС.Д., ПИНГАЕВ.В.П. (хэблэгэй директор), САМБЯТОВА Т.Г.

Манай адрес:

670000, Улаан-Үдэ,
Каландаришвилици
үйлэс, 23, "Буряад үнэн"
газетын редакци.

Газетэ хэблэлэй 2
хуудалан хэмжээтэй.
Индекс 50901.
Хэлэг 4170.
Хэблэлдэ
тушаагдаһан саг.17.00.

"Республиканска типографи" гэлэн АО-до
газетэ хэблэгдээ.
Директорайнь телефон: 2-40-45.
Б-0079-дэхи номертойгоор бүришхэлдэ
абтанхай.
Заказ № 7733.

Редакциин телефонууд: редакторай - 2-50-96, приёмнын - 2-54-54, редакторай орлогшонорой - 2-68-08, 2-62-62, харюусалгата секретарийн - 2-50-52, секретариатай - 2-60-91, таһагууд: шийтгэл-политическэ - 2-55-97 (даагшаны), 2-61-35, 2-56-23, социально-экономическэ - 2-64-36 (даагшаны), 2-63-86, 2-61-35, 2-67-81, соёлой, эрдэмэй болон нургуулинуудай - 2-60-21, (даагшаны), 2-57-63, олонийтын хүдэлмэрийн ба мэдээсэлэй - 2-54-93, (даагшаны), 2-34-05, 2-69-58; оршуулгын - 2-67-81; корректориүүдэй - 2-33-61, компьютерна түбэй - 2-66-76. Манай корреспондентүүд: Агинскда - 3-42-19; За каменскда - 30-61.

"Бурятия" хэблэлэй телефонууд: директор - 2-49-94, бухгалтерн - 2-23-67, вахта - 2-35-95.